

寄庵詩文鈔

寄庵詩鈔三

戊午

寧州劉大紳

寄張漢渡先生

正月初七日

人生良友不易得萬里無由見顏色不知君亦夢我不  
我今有夢在君側良宵月落春山空醉後攜手蓬萊東  
弱水神仙未易數昂昂野鶴鷄羣中君去御風自瀟灑  
我歸徒步草堂下山中白鹿堪借騎但恐旁人指作馬  
山口橋邊待董勿軒

幾樹垂楊倚夕曛欲將心事問春雲可能不作山中客

戊午

南望桃花北望君

過柯蔭塘山中

武陵桃源不易有我逐桃花過山口千溪萬逕那可窮  
落日橋邊待小友友家何似汪倫家千尺潭頭半桃花  
春水初生酒初熟門前網得新魚鰕十日相延興未足  
牽衣苦留不得住青山送客過前溪笑指垂楊兩三樹  
春日招董勿軒飲

桃花洞口倦遊歸紫燕黃鶯繞戶飛願我祇愁能事少  
知君亦厭酒人稀鞦韆影駐春雲散蹋蹴聲停夜雨微

誰向西園續風雅一尊急與醉芳菲

飲雪水重歌

對君縹緲之孤月飲君清冷之冰雪讀君恣縱卓越之  
文章使我胸中萬古無鬱結龍公行雪如吳鹽村民未  
敢輕相拈書生醉後膽氣大盈瓶掃取薺深檐月夜垂  
涎勝醇酒不待旁人勸大斗蟾兔影落鸕鷀杯散髮狂  
呼併入口惠玉液騎茅龍丹邱仙人安可逢與汝中宵  
常得此慷慨悲歌動江水何當酌飲天下人百年不病  
內熱死

夢周林汲太史感賦兼懷王子文

子文與余贈答詩林汲品隲如

新舞一披閱  
淚淫淫下也

先生古學者於我交以心雖死不間隔夢中猶相尋衡  
門繫駟馬茅屋橫素琴撫琴坐前席彈爲梁父吟鯢鵬  
息渤海燕雀巢深林小大何足辨相思昔至今君來浣  
水濶君去濟水深案頭秋水集遺墨如兼金生死皆萬  
里老淚沾衣襟

坐董竹溪太史書齋

木棉花底嬾晴絲渺渺春江鼓棹遲玉室金庭投轄處

綠文赤字檢書時  
飲醇先醉有人覺  
啖蔗漸佳無客知  
更欲煩君明月夜  
瑤琴一曲慰相思

早赴菴豆莊

酒醒春夢盡  
馬上聽晨雞  
野燒延山上  
江雲入樹低  
人環甘蔗語  
鳥背木棉啼  
秋雨曾三宿  
前村路不迷

自婆溪歸同董勿軒坐雙琴山房

五色鳳鸞饑欲死  
主人不歸淚如水  
今朝琴鶴還故山  
毛羽光輝照百里  
飼以竹實明月光  
飲以醴泉瓊玉漿  
野鷺山鷄不敢匹  
梧桐百尺高飛翔  
主人對之亦起舞

夜半懸燈酌鸚鵡杯傾杓注無休期祇少麻姑擘麟脯  
美人不來我心憂琤琴彈罷憑高樓忽聽雲中發長嘯  
神仙已下麟鳳州同是上帝遷謫臣南荒甘作支離人  
玉樹琪花先後友丹山碧水東西鄰不信人間固有累  
誰能與汝共游戲蒲葵扇影羅縠衣揮汗淫淫聽鼓吹  
我欲振衣上層巔君亦濯足思清泉御風列子何瀟灑  
凌雲大人自蹢躅草亭山房小隱處儘有藥闌花千樹  
蒼蠅未出蛙未鳴一夢同入華胥去

漫題

每怪花開時風雨必見妒  
今年東南歸恍然知其故  
爲恐看花人受用過常度  
旣得詩酒歡兼有友朋助  
功名自鴻毛富貴亦糞土  
所以天氣和憂疾間佳趣  
若復身康強便當困道路  
以此爲乘除天道原不悞  
吾當順受之行藏安於遇

友人不來再訂後約

每遇風月佳時時恐相負  
豈有對名花而不思良友  
今日君不來他日當來否  
待君能來時爲君沽美酒

花間獨酌賦詩



昨日歸自婆溪時胸中勃勃如有詩偶來俗物一聞之  
忽覺今朝故詩在大氣盎然塞宇內楮上毫間不能載  
磨墨一斗烟雲香煮酒一石琥珀光對花落筆何清狂  
上界神仙動見謫海外鸞鳳亦鍛翮人世何由盡嘉客  
有詩且向花間吟有酒且向花間斟有花不語知予心

牡丹行

洛陽花事旣消歇天彭亦號小西京當時中原已淪沒  
南人未到曹南城人間尤物不可見姚黃魏紫空聞名  
狀元得稱第一種玉樓禁苑齊爭榮天香一品及三變

恨不歐陽同日生佛頭之青更奇絕春花百種誰抗衡  
造物功能亦已竭天吳縱觀心不平下土螻蛄豈足數  
上天何故娛饑饉靈犀奮勇毒龍怒洪濤一鼓翻長鯨  
青疇綠壤卷入水草木非敵難爲勅嗟我不才從事晚  
春風到日花間行眼中猶見十餘種醉倚酒甕聽流鶯  
志言曹州牡丹甲於天下乾隆年間  
黃河漫溢少不如前然猶冠諸郡也白髮歸來守荒徑  
追維往事思茂卿花壓闌干只一色羞從臨芳望華清  
辟如阿嬌失恩寵長門宮裏無逢迎又如淮陰降侯日  
與噲等伍徒自輕幾度吟詩世不識何時釀酒家能領

百藥仙人下塵世鈞天無計聞韶英所幸蒼蒼尙憐惜  
不教風雨來相爭絕色寧惟老夫喜芳容亦使山妻驚  
看花十日忘昏曉足償一年弄花情可笑柳渾不曉事  
戎葵持較矜分明

刈草

關地滋春蘭開徑種秋菊左有亭亭梧右有瀟瀟竹中  
間惟吾廬朝夕是饅粥吾意無他求卽此得所欲惡草  
從何來滋蔓幾連屋種類人不知縱橫竟聚族出入欺  
衰老跬步礙赤足盛夏蚊蚋生虺虺互倚伏若更姑容

之必將中其毒短鑣并長鑣計較亦已熟阿奴罷火攻  
芟夷付弱僕半日絕本根萬古不能續飼馬馬長嘶詎  
堪比嘉穀供爨婢唏噓廚中有薪木小兒矜聰明周禮  
幼曾讀草化繁良方糞土可並錄鼓掌快老夫從茲豁  
心目明知天地寬何忍肆刑戮懼貽香茝羞恐爲蕙風  
辱立賦刈草詩春光媚幽獨

憶在曹南看芍藥

柳陰一夕送輕寒曉揭紗窗看藥闌啼鳥不知人早起  
聲聲似恐好花殘

倦遊車馬早還家萬里黃河去路賒看過牡丹春欲暮  
香風吹散米囊花

菊爲土蠹所蝕

老人筋力衰種菊非容易枝葉初長成青葱喜得地相  
待秋風來黃華供沈醉如人有良朋苑枯與終始何物  
名土蠹陰姦過魑魅不慚經綸無偏快口吻利潛穴傷  
其根遑恤是善類寢興爲咨嗟如斯亦怪事邪正難並  
容刑賞在分記汝今一中之豈可更使二掘土深尺餘  
雖巧復何避毅然取其殘以當戶朝市

哭李滙川

朋輩原無幾城東又喪君  
荒村思落月老樹惜殘雲  
遺草尙何用易名終有聞  
千秋推長者樵牧遠秋墳

聞王又從訃

遽聞高蹈者賓客亦相捐  
一慟爲知己再思疑妄傳  
居山培直木飲水絕貪泉  
人鬼心同嫉安能錫百年

二君吟同張金門

李君旣不貴王君又長貧  
就令百年在人世何至見怪  
軒冕人李君之死喉閉不能語  
以手撻胸淚如雨五日

之間又復死王君我欲呼天何處所我友張君於二君  
相親有如同母生結交我在十年後四人自謂真弟兄  
自從山東賦歸日長期聚首膠投漆王君抱道深巖中  
元豹黃鵠不輕出昨暮往哭李君時擬携酒脯看弈棋  
秋風秋月尙相待禍福死生誰先知悵望烏道七十里  
夏雲茫茫雨不止素車白馬從何人嗚呼王君長已矣  
張君有語聲欲吞死非天仇生天恩與汝不可一日不  
相見床頭須置醇醪千萬尊相見卽相飲山中璞石醉  
可枕明年二君墳上宿草多人生安見一百二十稔

會張金門豆含章哭丈人石並招董勿軒

歲正七日北風冽占恐今年喪明哲大星三月西南流  
幾婦無知盡泣血昨夜東山啼老烏鬼呼神顚來城隅  
人命如草易衰朽丈人石亦遭剗剗偶語紛籍日三至  
耳聾聞之謂疑似世上豈有庸妄人此言毋乃太無理  
金門含章噩夢同痾癯荷蕢非天窮可憐陸沈竟無益  
甘泉直木生悲風昔我棄官視敝屣不曾有淚如鉛水  
人生得失何足言見此痛哭不能已南山北山青石多  
豐碑華表森嵯峨不畱幽谷一片石濃烟淡雨牽薜蘿



柱折維崩其工怒當年尙有女媧補丈人一毀那復全  
未得粉碎委黃土碧雲院後高復高孝官孝孫如蝟毛  
江南御史好男子千萬年復瞻雲霄寄語董生同一哭  
何似良朋墓草宿我今老眼時淫淫百靈慘淡下空谷  
遲暮赴李氏小山房問菊花值雨

城北逍遙寬大帶城東咫尺却巾車懷人似別三年後  
種菊能開八月初礙路苔花宜逕掃當門蘭葉不曾鉏  
秋風竟送西山雨連夜淋漓入草廬

中秋夕見雲短歌

海漫漫中央湧出白玉盤雲濛濛頃刻青天失青瞳玉  
管金簫寂不發有酒無地對秋月我聞天上不同科九  
萬里外清光多仙人著眼最高處下看雲物空張羅人  
間有恨共誰語萬事如雲易齟齬好風不肯徐徐來問  
月今宵照何處願借仙人雲中梯逕上長空傾琉璃醉  
聽霓裳羽衣曲廣寒宮殿漫畱題短歌闌浮雲缺雨洗  
青天月如雪一聲長笛萬山裂把酒中宵叫奇絕

雙琴山房對菊

黃花今亦有風雨慰沈淪葉落難偕俗枝高不向人此

間宜鶴瘦吾意似猿馴采摘重陽日盤餐未是貧

詠瓶中菊花

井泉寒浸菊花香尙帶東籬九日霜紙閣蘆簾同半月  
崇蘭幽桂自斜陽飄零竹籜裁爲帽摧落芙蓉集作裳  
同是悲秋可憐物非關處士獨清狂

義虎祠行

東山何處業有虎居其間一嘯振林木再嘯傾巖巒行  
人白日絕柴門黃昏關畏途近百里不敢輕相干田家  
有茂婦事姑無肥鮮清朝汲井水亭午樵屨顏近山久

秃眉遠岫窮躋攀丁丁婦心痛遙遙姑眼穿歸及半道  
上猛虎當其前磨牙不擇肉勢欲充饑餐一身豈足惜  
無人爲承歡呼天長痛哭猛虎摧心肝歔然帖耳去深  
林窺一斑還家疊泣婉轉爲姑言有虎義如此鄰里驚相  
傳鳩工飾土木廟貌清且妍易爾獸面目著爾人衣冠  
遠人下馬望疑祠何代賢鄉人話其事再拜還三歎昨  
日過城市祠宇凌蒼烟神鴉猛如虎凜凜春生寒祠虎  
良有以勿替千萬年

偶題

少年意氣半消磨匣劍囊琴自嘯歌不訝門前故人少  
草廬風雨入秋多

聞金門已歸復去

聞道歸來復遠征無車無褐過荒城  
奄人尙不容張儉丞相何由愛禰衡  
複壁著書寬歲月深山泣玉了平生  
誰知昨夜悲吟處獨上高樓北斗橫

有以文事相推者賦謝

子雲老矣閉門居寂寞門前長者車  
忽報循良將作傳焉知封禪久無書  
紀功鏤德碑長在繪句絺章錦不如

此事端須臺閣手君從何道讓樵漁

紀山谿李老人事

山谿老人如木石彭壽殤天兩不惜草木榮落分春秋  
條心年紀已過百頭髮蓬亂全未蒼齒牙燦燦冰雪光  
亦足卻杖健於鶻深山遠牧牛與羊有子皤皤白鬚皤  
林立孫曾亦自好老人相顧時嬉嬉老人尙健子已老  
信問生年是何年絳縣甲子記不全彈丸累累竹筐底  
試徃策之疑是仙昔爲牧兒甫十歲 本朝聖人始  
御世阿翁授彈兼授筐兒得一歲一彈計彈丸百六盈

篋中老人戲弄猶兒童信知仙李盤根大山外耄耄難  
與同海上下籌且滿屋何況彈丸一百六當時却有賢  
翁侯遠向山中饋酒肉

宿仙人洞

涵地白雲端言停紫玉鞍山空人語響潭淨月光寒羽  
今何處癯儒久去官重來前有約好付大還丹

憶孤山

仙山咫尺不崎嶇塵世方壺竟有諸水底萬年鰲顛願  
雲中一角蜃吹墟輕舟及此招孤鶴落日曾經射大魚

昨暮海門橋上望柳黃蘋白晚烟餘

憶龍泉院紅梅

老去疎慵賦衆木搜索梅花笑所獨荒村斜月無人踪  
驢背鶴腰駭塵俗千林香雪新移栽兩樹頽虬老巖谷  
七年遠道辭名山一夢芳姿入草屋赤霄帝女惜餐風  
絳節仙人不啗肉清寒何礙濃華殊平淡先教絢爛足  
半潭秋水爲前身九轉神丹亦私淑施朱愧爾非童顏  
曳白嗤人祇空腹亂飛紅雨先春花斜視綠陰間水竹  
但似一夢堪藏心况如雙鳳并在目解教霜雪愁見殘



能使雲山恥稱蜀看花遊客迷元蠶種樹幽人逝黃鵠  
不逢好手爲寫生安得清歌便度曲夢回月落梅花無  
靈羽啁啾只振觸

閱邸報知中丞陸朗夫先生入祀鄉賢祠恭紀

叢祠異數藹於春詔下姑蘇俎豆新屬吏曾瞻古方伯  
家鄉今識老儒臣生年幾輩稱名宦歿世如斯是正人  
遙想兩楹相位置先賢應與范公鄰

我亦鬚眉一丈夫入官人盡誚迂疎先生不惜班聯隔  
後輩相推氣骨殊久臥山林負知己新聞廊廟重名儒

縱橫涕泣沾巾袖灑掃庭除得去無

大紳初仕山東中丞時爲方伯以有

氣骨

相目

聞羅碧泉學士訃

燕市淹留不計旬羽聲慷慨已無人爾時文苑儒林客  
一代清華侍從臣同輩如君年最少祇今何處死爲神  
有無令子承家學風雨凄迷入夢頻

讀滇南集題後

落落乾坤有廢翁生年亦與放翁同人真不俗原宜妒  
詩本能傳況又窮奉盟輿臺趨大雅勝衣弟子角羣雄

劍南集後滇南集留與羣蠻誘瞽瞍

次日再題滇南集後

名士真成不直錢  
高高欲問幾重天  
宮中自識元才子  
世上誰憐李謫仙  
潦倒半生經九死  
縱橫百代剩千篇  
如教草野存公論  
白首郎官已屈賢

倡女

傷文士  
無行也

倡家養女惜如珠  
初上頭時寵遇殊  
新織鴛鴦裁錦被  
濃熏蘭麝煖香襦  
金尊竹葉傾閨閣  
寶馬桃花映路隅  
嫁得劉郎年更少  
風情還憶阮郎無

棄婦

美君子以道自守也

春閨兒女拘桃枝棄婦心情舊燕知  
織素堂前初月上  
采茶山下晚風吹銀瓶自汲寒泉水  
玉鏡空臨遠岫眉  
但願新人偕白首長門賣賦不逢時

東家

慨名士晚節不終也

東家嫠婦試新粧却扇重聽舊樂章  
淺黛畫眉殘月妒  
濃雲盤髻倦蜂狂定情尙憶橫陳夕  
同夢初逢薄倖郎  
奇聞西鄰甘就木可無才貌事姑嫜

憶玉皇閣梅花

戊午

西

疎枝壓帽憶年年病臥如懷海上仙  
高閣一層雲澹澹迴廊幾曲月娟娟  
青山未老從僧共白首多情有鶴憐  
信是玉皇香案吏今生猶惹御爐烟

憶大雄殿梅花

合近孤山處士堂何年塵劫禮空王  
於旃檀外自成格似木犀前無隱香  
清亦人知憐汝瘦高能世出笑僧忙  
聞鐘竟坐維摩室不要天花作道場

讀項羽本紀

烏錐神駿渡江東取代亡秦倚戰功  
鉅鹿諸侯無仰視

咸陽一炬有重瞳  
虞姬決不爲人薤  
亞父惟知殺沛公  
若使分羹如漢約  
季雖天子已烹翁

將上華蓋山憶張金門董勿軒

容容盡解溺然灰  
天賦隱憂無地埋  
孔北海家誰作子  
膠東王宅可憐才  
清尊冷似貧交去  
好句疎於貴客來  
華蓋山頭春信早  
幾時相與賦寒梅

從市上買得何首烏  
九枚輪囷離奇百年外物也  
喜而賦之

早作衰翁真不堪  
曾經名岳授瓊函  
如能石髓分王烈

豈惜流沙從李聃 今夕靈苗驚戶牖 幾年神物護烟嵐  
山中服食誰堪似 枸杞茯苓好共採

卽事

逝水年華去不遙 甘飴媚竈又今宵 兒孫得歲偏歡喜  
屈指新年隔七朝

寄友詩

寄生天地間 所樂半朋友 道德變爲資 不獨在詩酒 結  
髮交張君 倚如左右手 磊落天下士 病在不緘口 取怨  
眦 睚間避仇 返出走鸞鶴 悲空山麒麟泣 郊藪千古同

酸辛況我與最厚我昔曾牽絲學爲衆人母姓字通廟  
堂歌謠在畎畝萬里時相思老馬靳一趣賜環歸田廬  
二伐沮溺耦傭春羞梁前種瓜恥邵後驚鳥難爲樊大  
魚未易笱醉後同呼天病中共搔首固是素心人要之  
可以久天下今昇平殺人世豈有天子矧急賢弓

旌逮窮叟春燕將營巢河堤欲試柳美人猶遠行我實  
任其咎鬱鬱長閉關寒盟畏世詬有司不我知笑我太  
株守族黨不我知憫我特老醜盜賊不我知謂我富訕  
甄騎我南堵牆窺我北戶牖白日攘我雞黃昏擾我狗



憶昔過楚黔蠻苗  
競深蹂雙舟泊江灘  
羣馬宿巖叻  
川無鯨鯢驚陸無  
豹虎吼石矢紛如雲  
義能辨良莠豈  
無衣在笥青衫破  
兩肘亦有盈軸詩  
祇堪覆醬餽到今  
何所甘晚菰及初  
韭菽水慙老親糟  
糠媿拙婦倡和餘  
蔑填醕酢乏瓊玖  
世上紛紛人漫無  
一可否作詩寄張  
君我輩志不朽

紀夢

昨夢張君歸乃在北山側  
問君歸何時如何不我卽  
君言乘赤虬東南主大國  
國中多官府無敢有貪墨  
坐鎮

常從容萬物遍爲德乃知天地心生前故抑塞古言狐  
首邱歸骨此山北予視佳城開牛眠可復得爾時不知  
悲第看好顏色夢醒鷄未鳴東方尙昏黑大王公已無  
自訛祇惶惑夢歌晝悲哀夢哭晝飲食夢覺顛倒間無  
從著人力蒼天誠則高司命敢溺職豈有如此人不使  
暫視息自是思所成非關理難測吾將携壺尊待君共  
登陟

除夕

新舊相徃來古今成世宙情知不能畱一夕爲歲守却

枕張明燈圍坐煮重酎如人將遠行  
扳轅惟恐後已逮登車時牽衣且逗  
邇於我情既深其去豈遂驟市井歡  
新交君子重故舊守歲風俗佳古道  
今尙邁何況今年中春風競相湊守  
舊卽逢新應律已太簇若復棄置之  
此理無乃謬緩緩迎新年新年有舊  
候

今年除夕立春

寄庵詩鈔四

巳未

寧州劉大紳

巳未三日將赴昆明迂道甸尾大醉而返

春風吹馬疆遊思忽飛颺朝出西郭門金碧遠相向却  
過甸尾城開懷對甕窠沈沈醉鄉中蘼語談將相屋樹  
鳴春庚山雲聳碧障杳杳將何之遲遲若祖帳不覺初  
月光已到几筵上解我五花驥倚我九節杖辟如遊旣  
歸此行豈不壯何必昆明池今夕艤白舫山水懽難窮  
詩酒興易償仙人固多情無爲誚疎放

負鹽女

負在背戴在首官鹽如山婦女競走息不敢平康行不  
敢馳驟牛羊觸人人卽踣官給十錢吏取三四汗滴土  
中作泥滓饑來但飲路旁水安得使君清如此

學長公足馬上續殘夢韻

馬上續殘夢夢回天未明星光入水白風氣出林清杳  
杳迷荒堠遙遙辨遠城馳驅宜薄祿何事又西征

鸚鵡關

鸚鵡關前籠鸚鵡四品武官不騎馬坐者起立騎者下

騎不下鞭血流赭行人哀訴淚如雨黃草壩前怯如鼠  
鼠伏草間不敢語昔日何懦今何武

金鷄廟塘雙松

風色冥冥雨氣濕雙松比肩如人立根蟠厚地枝撐天  
過客有馴不敢繫老兵開門當樹旁醉中臥見蛟龍翔  
野鷗巢顛哺衆雛百靈呵護禁斧戕匠石信宿不一顧  
百蠻得之無用處山前萬樹皆孫曾早作人間棟梁去  
太和道中寄張金門董勿軒

九州之外復九州梁州中國九州之一耳而况雲南梁

州屬毋乃人面著黑子迤東迤西兼迤南比於鼎足各  
分峙我今迤南昔迤東迤西如隔幾萬里生平未到碧  
雞關亦是人間一憾事龍眠好友江西來邀我開南讀  
文史一馬載書一馬騎一僕蕭然負行李望門自耐關  
吏呵投寺却遭野僧鄙但教山水逢知音何必道路平  
於砥安南關前風色開直上白巖到天止紆迴竟過葉  
榆城點蒼峯頭矗霄起山腰縱爾無白雲積雪如斯亦  
足矣惜哉山林朋友福難兼使我長懷董子與張子

瞻楊升庵先生遺像題後

議禮何人集上臺東華哭罷極南來簪花擁妓神仙骨  
縱酒狂歌宰相才生得中谿堪作主死求太白可同埋  
先生自愛名山老不是君王不放回

登蒼山勝概樓

昔年我到任城上上有太白之高樓玉貌錦衣自瀟灑  
金龜換酒爲少畱四明狂客不復見謫仙人物誰同舟  
岳陽黃鶴雄荒陬不如太白樓上消百憂今年忽作點  
蒼山下客有梯百尺人三休平眺峰頭萬古雪倒窺半  
月西洱流西南勝概此第一杖履幾人曾來遊新都才



子如李侯夜郎不赦金齒投中谿先生老不出二十四  
載營菟裘建極洪鐘共撞擊驚醒一世生蜉蝣鶴去松  
枯世代改空餘高塔烟嵐稠曲阜未谷老作令客來載  
酒相優游所惜窮官四壁立空囊檢點先自羞安能爲  
我遠致百斛酒使我一日一甌醉上頭不如歸去夢中  
乘紫虬飄忽三島還十洲酒債不典腰魚酬嗚呼龜茲  
枕上真良謀

登浩然閣瞰洱水

半規明月墮青霄萬井人家影動搖六詔興亡隨逝水

百年叛服憶前朝一登高閣舒長嘯直卷重關入短譙  
別浦眠鷗真自在乖龍負氣總無聊

白海棠

華清洗褪舊燕支宮女三千目不移霧縠冰綃清似水  
玉人獨臥月明時

小書畫舫醉臥偶成

醉臥茅廬似放船曲欄淺沼亦悠然牆邊莫種垂楊樹  
盡送青山到枕邊

郡齋

翛然同小謝身在郡齋間花底羣蜂寂池邊一鷺閑如  
僧初退院似客久歸山杜宇偏多事聲聲促早還

布穀鳴

布穀鳴天未明百鳥無聲農人心驚耒耜縱橫牛不得  
耕布穀布穀爾獨何苦四年春書不雨三年冬書不雨  
勸農使者前月來白酒青羊祭田祖神醉止使者舞綠  
楊下黃鸝語

龍泉寺訪趙來軒

小橋曲徑隔清溪問道初來路欲迷樹影斜時山鳥亂

泉聲盡處野雲低  
高文大國推牛耳  
妙緒真人述馬蹄  
咫尺城南歸去晚  
輕烟漠漠草萋萋

贈馬教授同年

馬子目光可以燭千古  
胡爲紛紛藉藉竟無睹  
馬子意氣可以橫九州  
不能拄杖咫尺城市遊  
二十九年不相見  
長安逐日走雷電  
玉皇雉尾宮扇開  
承恩先上明光殿  
九重一夜罡風吹  
鵬飛無力雙翅垂  
螻蟻烏鳶各自喜  
苦心祇有鷦鷯知  
羲軒求賢子應詔  
博取冷官世所笑  
逢迎熱客眸子橫  
分剗節度極幼眇  
可憐老眼過分

明一心兩目都不盲白月宜遭蟾蜍食青天未免雲霧  
生驚喜故人得合併暗中摸索冰雪淨我亦微茫不辨  
人對面九疑又何病子爲我婆婆我爲子高歌世上不  
盲人儘多魚目玳瑁是珠玉鸞鳳鴟鴞同網羅千眼萬  
眼共一色不如瞋臣之眼獨墨墨耳聾重聽尙不妨目  
盲不視計更得

酬吳華川司馬夏都尉席上見贈之作

君不見籠中鸚鵡巧言語繡幙香閨媚兒女又不見池  
上鸕鷀飛不還漠漠水田逐伴侶十年治譜畱江西隔

躡文馬過五溪北關終能寄鎖鑰南人自是望雲霓  
長官銜豈足道上郡黍苗待雨膏鳴絃歌雅風流存帶  
犢佩牛習俗埽戎臣歸來空負薪釣竿未展新經綸  
君同是前進士老夫今日不如人揮塵擁比亦何易管  
蒯葭菲忍遺棄二千里路真迂迴玉屏山麓勉從事臨  
邛貴客非相如侯門曳袖飄輕裾座上無端聽鳥語低  
頭一笑傾百壺貧賤驕人大可恥 天子求賢逮海  
市吾將歸語鄉先生吾輩今年可仕矣

和華川孔雀行

纔見馴雉伏桑下又聞孔雀辭深山金翠羽毛自愛恬  
來遊君園忘飛還君客無衡賦鸚鵡君才如李歌白鷗  
黃鶴樓前格調好赤霄行外思力孱學優倚馬吏非俗  
澤及文禽官不瘵似我雄飛鏃六翮鷗行鷺序慚清班  
吹簫仙人縱有約安能挾策趨秦關孔雀孔雀不可致  
盟鷗海上同賦閑

神仙傳簫史  
吹簫致孔雀

### 閒閒吟

兩和華川新詩一顛倒押閒閒字一遺閒字戲  
爲閒閒引

六書閒字與閒字書同名異爲師患判閒从日閒從月  
訓蒙分在鈎掠閒从月从門會其意从日毋乃稍愚頑  
又欲从木易差別求之於詩得閑閑其實旣閑乃正義  
妨止闌習均難刪鄉村學究作解事書一名數夫何艱  
況有閒字入諫韻平仄部分愈難奸自古通人只從月  
誰憐西翟並南蠻我今眼花易舛誤一誤再誤真不嫻  
顛之倒之匪公命避難就易相躋攀胡爲趁韻復脫字  
毋乃才力都弱孱豈知我老安寬閒但見閒字便意滿  
不能再到樊籠間迴首一官學奔走十年海岱頭爲頒



燕山有雪大於海

聖人賜入居庸關歸向山房種

花竹

鴻恩感激涕潛潛開南忽作遠遊計閒雲野

鳥忘飛還君璞是玉我璞鼠芒鞋珠履難同班辟如鳬  
驚空唼唼何似鸞鳳時翾翾今午戲爲閒閒引博君一  
笑開心顏

同遊御筆山老子殿分韻得有字修字

讀書懷前人前人亦何有萬古空茫茫登樓付杯酒天  
風吹白雲潏然入戶牖舉袖携之歸不嫌露兩肘迴睨  
蒙樂山高高若無偶南岳僭一時蒙段已速朽人壽期

百年空逐白日走今日須盡歡無負此大斗

長松作怒浪薄暮來高樓老翁膽氣怯疑坐東海舟停  
杯入深谷浪定風亦休溪聲響碎玉到耳何悠悠乃知  
石隱人一瓢尙不畱馳逐萬人海得毋慚媿修有酒且  
復飲無貽山靈羞

遊御筆山歸戲東華川

東風昨夜去如馳拄杖登山又一時澗水清從高屋下  
溪雲低向遠峰移龍鱗樹色當窻老牛背歌聲度嶺遲  
一事報君君莫笑座中有客盡能詩

閱環書屋留飲

謝郡清談候蕭齋小飲時詩成花氣重酒盡雨聲遲瘴  
癘消何處炎威到不知歸看山路近廐馬借人騎

寄華川大理

君到點蒼纔幾日相思不暇問歸期登山定在朝烟後  
看雪多從夕月時尙有何人能贈石更餘他處好題詩  
昨朝風雨高齋過碧藕花開已半池

答羅象坤孝廉五日見憶

昨聽采蓮憶楚水無地投詩弔屈子大夫不飲醒千年

我獨何爲醉欲死君坐羣兒分色絲纏綿角黍蛟龍知  
雨後自搖白羽扇菖蒲酒泛熏風吹今日袖中出好賦  
如向清江觀競渡知君不妨能文辭同列更無上官怒  
同李孝廉登奎閣

故里蓴鱸亦未期相從默默倚窗時羣山排雨來高閣  
一水穿雲過短籬柳樹鳴蟬秋氣遠花叢宿蝶午陰移  
登樓作賦非王粲儘有閒愁到兩眉

山泉不至

不見山泉到草堂淋漓汗雨濕衣裳螢穿細竹空殘月

蟬度疏槐自夕陽流向誰家消夏熱聲從何地作秋涼  
神仙符篆能相借好送愁人入醉鄉

山泉至

山中暑氣斗然清裊裊竿頭碎玉聲已向杯前聽欲倦  
還疑枕畔夢初成分來瀑布將何似剪得銀灣更有情  
傳語龍公休穩睡爲添好雨到茅楹

龍潭

菊河源

客言菊河源頭水萬丈深潭不見底沈沈黑氣龍公家  
卯酉千年到孫子大者氣象稍崢嶸小者頭角均未成

細鱗巨口味甘美土人經以魚稱名晴天白晝乍施網  
作膾調羹可遺餉誰知怒觸龍心肝殺氣陰森厲兵仗  
雷公擊鼓排雲將馳驅電母天流光半車雨雹大如椀  
人馬顛蹶無處藏於今嘉禾正苦旱官司日夜束手歎  
此中異物如有神何不雲雷下土散高巖擁峙穿雲根  
前臨巖窠二重門慣抱明珠嗜渴睡甘霖不到荒鄉村  
我欲長繩繫虎骨投入齋淪動巢窟坐持酒螯相歡呼  
飽看魚龍互出沒

苦雨

雌雷奮迅驅雄風  
蟄龍竄出深潭中  
吸日蔽天作靈雨  
欲將陸海連鴻濛  
玉屏山脚一曲水  
人道銀川漾清泚  
無端竟沒青林梢  
三日驚濤勢不止  
封田部屋遊鼉鼉  
過不雨冥頑雨拘  
怒龍兮龍兮如汝  
何安得長人擁巨  
簪埽蕩雲車整日  
轡免教竈釜生蛙  
魚我自高歌汝自  
睡

有婦人携一子一女  
死於中州河水中  
聞而悲之長鼉巨  
鼉何冥頑恣睢濁  
浪洪濤間簸弄風  
雷竊天柄丈人不敢  
陳天關貧嫗携家  
傍水住門前剩得  
弄楊柳

孱男弱女嬉其旁  
瞬瞬無光日已暮  
驀然擊鼓聲達達  
藏頭露尾偏能雄  
兩兩嬌兒驚駭走  
蹣跚直入堂室中  
老嫗見之面土色  
異類從來蔑道德  
左手携男呼蒼天  
女携右手避不得  
須臾漂泊東岸頭  
市人望見心慙慙  
嫗身已死心不死  
爪透兒臂雙淚流  
我無仙人斬蛟劍  
血濺長川水赤染  
支祈鎖紐思禹功  
萬古安瀾拯昏墊  
作詩紀異且志哀  
誰爲里正收遺骸  
聞道龍街板橋側  
人家無數西流來

見月

六月十四日夜



暮雨朝雲掩日輪愁霖屬和已經旬若教今夕無明月  
何異前年別故人千里清光原不減三更彩色却生新  
相煩去照逃亡屋恐有哀聲動四鄰

棄婦

東家有棄婦下堂今七年雖無好顏色不忍終相捐香  
車再迎返寶鏡施粉鉛磐石既不固葦絲難爲堅申道  
長跪問夫君何復然我昔被驅遣禮義誠無愆恩情幸  
不斷缺月望重圓靚粧雜孔翠巧笑調絲絃謝君明璫  
贈伉儷希出全西鄰窈窕女防身如水淵聞之長太息

嗟此時世賢鴛鴦不獨宿鴻雁時孤鶯芳草一臭味直  
木無夢延汝昔見棄夕姓字形詩篇見棄猶自可不棄  
誰汝憐香塵逐寶馬風暖桃花鮮桃花不言語棄婦何  
嬋娟

海燕行爲劉節婦

節婦羅氏孝廉從姊也

不聞鳳凰鳴歸昌但聞鵲鵲鳴屋梁海燕參差忽失侶  
孤雌不忍雙飛翔自謂巢居莫予侮雛燕長成持門戶  
啣泥短翮空辛勤不得晏然處環堵鵲鵲朝過欽鵲家  
輪輪撇撇紛喧譁暮向荒山媚野獍孤燕聞之長咨嗟

在地願爲望夫石  
炎炎野火碎青碧  
在天願爲望夫雲  
烈烈狂飈競辟易  
明月海水深湛湛  
照見孤燕千秋心  
鵲鵲鵲爾何物  
鳳凰下止西山岑

羅孝廉和前詩復疊元韻  
畱行另韻答之卽以告別  
北燕東岱壯遊時  
十載相忘久別離  
漸識鄉園風景好  
出門先已計歸期

治平第一是吳公  
與我論交有古風  
便到玉屏山頂住  
紗窗五見月如弓

白髮門閭倚望情  
曾孫扶杖送西行  
而今應記臨岐語

歸及中秋月正明

人間天上共桑麻日飲醇醪不用賒避俗仙源真得路  
漁郎祇是欲歸家

答和華川畱別

秋到長江穩放船青門立馬杏花天臣持漢節無三載  
客奏雄文又幾篇回首應憐龍鶴處繫心不忘獻鳩年  
君王若問南中事莫道風行是偶然

頃與華川戲言同舟北上華川有詩謙譽過甚因

酬一章

舊日龔黃輩風流有此不江神迎大編山鬼匿清秋遠  
舉雲中鶴閒眠水上鷗窮廬嗤野老不得嘯船頭

和司馬交篆後公寓得詩四首元韻

南微分銅竹春光澹沲初瀾滄今渡虎章貢昔懸魚吏  
散獨醺酒客來同曝書故應長自詡風雅最憐余  
官如魚兔得本不繫筌蹄問富數驄馬知雄麾介雞詩  
成江月小睡足嶺雲低蒙樂優游處題名重迤西  
自識青氍舊何知皂蓋尊育材先伏驥省俗及孤豚再  
見文爲守重教賈字孫蕭然休沐日別館似荒村

作郡慙迎送恐妨高臥時忽瞻黃相節却下董生帷束  
帛徵循吏飛帆別故知猿聲三峽落秋老晚風吹

續和一首

公寓與士知府陶宅相望

東望高門第蠻夷世長官荒山餘氣象喬木就凋殘戰  
伐前朝重優容 聖代寬 昇平思報國不在據  
雕鞍

諸生祖餞圓通寺留別

半載離庭闈歸心疾似箭鷄鳴戒徒御陰晴未暇辨秋  
氣久蕭森倏然蛟龍戰微風不散雨俄頃遍郊甸行者

安泥塗送者多繾綣長橋繫客馬短亭設祖餞同依井  
鬼分相思終相見不如牛與女盈盈目空眩遲遲昔遊  
處松竹影交亂醉寢同有夢輾轉思千變始夢在鄉園  
忽忽又他縣夢醒酒亦醒雨深梵王殿行矣山鳥啼勉  
哉力擇善

八月十七日自景東歸夜坐豆含章訓導齋中同  
吳訓導

門前積雨漲清池去憶垂楊折一枝遠道獨來秋興後  
故人相對月明時鄉園喜有平安信山水慚無絕妙辭

笑索囊中靈藥物恐妨衰老鬢如絲

和勿軒采菱見懷

銅鏡鑄菱花照見愁人影寒塘涉秋水菱子滿笭簪菱  
子今已稀愁人在他境相思如咫尺欲寄北山嶺長憶  
秋風初晨昏相造請感君念行役携籠屢引領歸來薦  
玉盤飽食今夜永

抱孫

微生亦多幸遭逢

明盛時鄉里無兵革邱園得委

蛇睡起開窗漏朝陽到緇帷半裘不掩脛盎然和氣滋



仲孫已八齡魯鈍無壯思詒謀愧不穀畧使吟風詩叔  
孫纔四月抱之相戲嬉泣笑俱可愛苦被掇微髭庭前  
梧桐樹乾雀依南枝弱禽各有托飛鳴聽所之貴賤不  
可必出處皆可爲分甘少小事壯盛崇令儀明德懷先  
子邁祖同所期

潭西聞雁

粼粼積石出清溪蠶豆花開燕麥齊紅樹山深無客到  
一聲白雁過潭西

寄庵詩鈔五

庚申辛酉壬戌

寧州劉大紳

寄勿軒

與君同種麗春花才見疎  
枝拂淺霞不及青青亭畔水  
分流穠艷到鄰家

春庚

遲日浮烟草色低好花開  
散徑東西靈禽不管人聽否  
自愛春風暖處啼

偶題

破帽單衫入酒壚飛揚故態不能無  
三卮便可埋千古  
一劍何堪敵萬夫  
經術偶從衰後廢  
世情全向病中殊  
平原亦是佳公子  
不識人間有博徒

山中聞 命恭賦

不妨長作布衣人  
一旦 君王憶遠臣  
散後風雲重  
會合枯餘草木再鮮新  
終將樸學酬斯世  
敢爲衰年乞  
此身  
萬里馳驅如咫尺  
徘徊祇是戀慈親

重遊龍洞

昔遊是何處  
今來如未曾  
無人導先路  
探索將不能居

後愁前悞前行呼後鷹老夫賈餘勇諸子爭奮登吾孫  
力扳躋快哉衣才勝燭光閃爍處龍勢雙飛騰怒則雷  
霆震喜亦雲霞興所見同曩昔只覺巖傾崩忽聞鈞天  
奏飛空橋可憑仙人齊抗手邀我凌上層此時正開朗  
無假懸孤燈勝遊悔不數寂坐如枯僧未卜再來日相  
遇還相仍造物固奇變下土殊愛憎勿爲牛羊眼笑聲  
如蒼蠅

和張小東送別

五載潭西夢蕭然遠市城

朝廷思猷猷

廊廟用儒

生幾輩先憂樂誰人識重  
輕感君持贈意未敢盜虛聲

鎮遠喜雨

昨夜波濤翻枕上今朝雲  
雨到尊前飛帆此去真輕快  
三百灘頭下水船

贈楊碧泉侍御同年

聖人垂拱肅龍顏小范聲  
名韓富班自詡鳳凰鳴盛世  
相看獬豸出深山故鄉心  
緒秋烟薄蕭寺情懷暮雨閑  
同學少年零落盡幾人身  
致栢臺間

赴福山道過新城

昔別真如夢今來匪所思孤臣三仕日小邑暫過時夜  
雨哭新鬼秋風懷故知茫茫東海上我欲訪安期

翁丹麓進士邀同諸友人上蓬萊閣觀海

丹麓夫子過濟南賓客四座驚雄談指畫東牟古勝地  
蓬萊閣下時停驂東海垂檐見一角小浪飛來矗五嶽  
若教萬里乘長風大地山河盡齟齬有時蜃氣成高樓  
金銀十二橫丹邱三丈紅輪夜半出赤光滉漾難形求  
使我聞之早神往逕欲浮槎到海上故國昆明一勺水  
歸去忽作濠梁想今朝把袖躋丹崖神山如與仙人偕

直據危欄發長嘯黃河不足開胸懷笑爾魚龍尙秘惜  
二竹山前只空碧非我人厄天復窮自是海若欺生客  
明當襍被重屋中臥看浴日東海東持較岱宗絕頂上  
可同一氣凌鴻濛

次日由田橫島復至蓬萊閣

海中島嶼非渺茫神仙不死殊荒唐旣悞秦皇又漢武  
雄心灰盡白雲鄉落日茂陵秋風早羨門安期笑絕倒  
坐令千古登臨人別有傷心在懷抱隆準帝業如浮鷗  
田橫賓客埋高邱蹈海若無曾男子誰人意氣同千秋

丈夫事業自有在心迹悠悠付真宰若將成敗論英雄  
何異以蠡測此海

縛賊行

賊船白晝艤島嶼島上居民笑相語銛鋒利刃不須施  
徒手縛之付囹圄朝廷功令禁殺人城中大吏皆慈仁  
呼籲轅門得緩死船頭未必多金銀賊旣縱去民繫餓  
民相受弔賊相賀海外傳檄招羣凶聲言焚掠到閭左  
舟師聞之虬髯張乘風鼓舵帆飛揚賊有人焉整以暇  
我軍縛去無一亡島民見賊狸捕鼠官軍見賊狐遇虎



可憐賊手提人頭赤血淋漓擲城下將軍擁鑾高樓前  
指點賊船是商船一時魚龍悉震怒潮頭蹴立凌蒼天  
三軍痛哭下樓走將軍羽扇不釋手風流意態何翩翩  
歸與婦人飲醇酒

和耿希尹欲遊之罟島不果

登城望之罟相去咫尺耳海神不假西南風便如蓬壺  
隔弱水一山卓立瀛海間迴瀾逆浪四面起其上可窮  
扶桑鑪日光蕩漾貝闕底秦皇暴君斯奸柑遠遊雄豪  
亦足喜巨石岌岌隨鞭行大魚跋浪貫弩矢斯也兼能

變古篆大書深刻競侈美貪淫可惜無終窮空遺金石  
辱前史設遇漢代司馬遷晉之謝客著遊屐必有瑰詞  
壯奇觀殘碑何止重秦璽乃笑亡羸但誦烈沈埋不值  
一敝屣我輩愛山便登山極目滄溟一萬里豈爲衰老  
能不來短歌且與矢吾子

見蕭霞村刺史

如何賢刺史直似老儒生應客鮮奴隸對君慚姓名鶴  
隨琴後嚮經向未邊橫前輩真難及漫勞倒屣迎

鄒秀才遺菊

莫負清如水黃花受不辭問名翻舊譜授簡記新校荒  
署秋容在前窻月影移深宵未能寐忘是夜寒時

和留耿希尹

一夜鄉心聽雁餘登臨興盡賦歸與兩旬令子時思母  
萬里慈親亦倚闌海市樓空神不王蓬山仙去計終疎  
之罘未梗秦皇道且趁秋風問射魚

和諸子留別

昔我少年日大言不知止生不爲將相則爲神仙耳浮  
沈下僚中六年不一徙每誦歸來辭便有折腰恥及今

衰朽日豈爲升斗起上可告君父下可質妻子

登臨懷古人簿書恥俗吏催科夙所拙詩文亦小技相期諸君子養成將相器上下三千年何者天下士

誰人倚長笛吹出陽關曲縱是交情淺遽離匪所欲一天風雪來千里碍馬足幸壓軟紅塵寸步踏瓊玉終怯衣裘寒南人素喜煥暫復留斯須高飛瞰黃鵠

寄趣張漢渡先生作序

十七年前舊友生高文聲價動公卿寒郊一个平陵尉不得昌黎不著名

寄王子文

漁洋夫子本無鄰  
家法相承自絕倫  
宅住石橋名亦雅  
如君合得作詩人

暮歸

畏寒不出門  
常恐地軸裂  
今看午日力  
能消道上雪  
薄暮橫風來  
吹成聚生鐵  
故與馬蹄爭  
驂騑力爲折  
僕夫恐顛踣  
左右控其勒  
老子猶清吟  
自詡吐玉屑  
緩緩過城南  
橋頭上新月

次日乘輿出遊歸作

近海寒氣深千里雪盈尺出遊恒苦寒閉門亦嫌寂趁  
此可愛日新交萃三益大地無點塵踏碎玉龍脊遠望  
之衆山森然獻圭璧妙在微茫間不徒競玉積所愧爲  
邑長碌碌無長策曠癘六旬餘將作遠行客終復勞衆  
人以求一已適若無好句酌空將凍研炙請看騎驢人  
推敲苦相索詩成幸不惡吾亦浮大白

### 重雪

舊雪如玉積新雪如花飛玉積照人目花飛上人衣忽  
然海風來萬里舊雪新雪盡吹起散漫長空作白雲村

落東西逃尺咫人間局促不好住我欲乘雲御風去

將行前二日諸友人分賦福山八景爲送用答其

意作長歌一首

之罘絕島天下奇當年尚有秦皇碑傳聞罡風妬海舶  
飛帆欲到時吹之王事賢勞愧欲死未下牛車見此喜  
荒城偃蹇經旬餘夢中徃徃渡弱水西山一帶秋色寒  
偶携賓客相盤桓古寺蕭條木葉脫深深井水無波瀾  
古寺山上野人種松樹朝烟勃鬱暮潮怒老夫不食觀  
奇泉海言如化蒼龍欲騎去一朝輦道身經過陽王祠前衰

草多射魚牽犬不足信石門想像生春波

石門春波

直到康

公古墓上萬里滄溟遠相向羲輪夜照扶桑枝日色波

光互摩盪心神震掉難久留

之罘朝日

烟臺廻望雲悠悠可

恨魚龍嗜長夜不教蜃氣成高樓

烟臺海市

歸聽鷄鳴天未

曉城頭一點金丸小三竿困臥黃昏眠辜負仙臺夜月

皎仙臺

夜月吁嗟卅載求長生功名富貴鴻毛輕海上神山

不久住雙鬟忽辨歌渭城黃鸝高飛白雁下門前有車

廐有馬雪花如絮紛紛來部民飛蓋不相假古人樂於

新相知我今轉覺新知悲長堤柳條苦折盡相攀不待



春風時

長堤新柳

欲住無緣去無策前路有人善留客指點

磁山晴雪消正練高懸一于尺

磁山瀑布

平生頗疑飲貪泉

宦遊到處隨留連卷得海山入兩袖猶爲哈噓雲烟牽

哈噓雲烟

多謝諸君送行作欲和深慙氣力弱裝成卷軸携

歸家安置潭西最高閣

### 贈劉立夫大令

今見劉賓客歸來宦已成君臣原大義母子亦真情自  
有家庭樂何求史傳名老夫方愧汝又上濟南城

雪後王蔚亭司馬邀同諸友人遊磁山

大雪羞千人名山不拒客羣仙携我來遨遊上有森森  
萬古宅初從山麓望山巔寒雲一片高接天旋到山頭  
瞰山外滄溟萬里何瑩然當時秦始皇求仙實逆理誰  
知亦愛佳山水陰王神祠巉巖底祇惜來徑堅冰多肥  
馬不嘶瘦馬止蹇驢欲臥叱不起背有詩人肩如山兩  
手皴僵出袖間推敲作勢清且閒君不見常建冒雪入  
京師詞客右丞爲圖之襄陽詩人孟浩然灞橋風雪至  
今憐如此雲山如此雪縱不高吟亦清絕胡爲乎長途  
暮歲求微官一任馬蹄泥淖車軸折

抵鄒平飲李西圃明府署中

暫向城闌讀古碑  
雪晴今是看山時  
閭人見定忘名姓  
門外重重樹影移

讀畫焚香似昔年  
床頭開甕酒如泉  
朝來又食鄉園味  
江上歸心路幾千

答牟寅同

不耐魚龍長夜時  
重樓翠阜見無期  
輪他五日登州守  
畱得千秋海市詩

山中

山中樂事少人知  
向晚醺醺賦小詩  
睡到三竿紅日上  
田家飯熟已多時

手摘園蔬不外求  
客來脫粟可相留  
松棚飯後閑譚鬼  
八尺牆頭月一鉤

二月春風暖向人  
杏花落盡柳條新  
田邊自煮青蠶豆  
不降神仙問擘麟

象鼻潭泉雨後香  
解衣浴罷晚風涼  
橋頭坐落西山月  
黑夜敲門索酒嘗

對酒

黑月烏鴉共一城登筵魯酒薄無情寄書欲向鄉園問  
舊釀黃柑剩幾餅

韋映輝至兼得石完璞劉聲宏詩詢諸故人消息  
知袁西谷已逝幸生悲死成詩一首

昨日君不來謂君不來矣中宵亦無夢侵晨竟至止不  
記相思悲但道相見喜別離五六年睽隔一萬里轉如  
瞬息間相去咫尺耳念我故人多幸生且悲死生者如  
浮雲死者如逝水石子有情者娓娓書數紙予豈無心  
肝不寄一雙鯉鐵人自長生無詩病亦起五字吟懷舊

近行篋裏

石子近號鐵人懷  
其吟爲鐵人作也

不及佳句多錫予并名

士所悲西谷翁金石易銷毀空有詩四章

西谷近日幾  
寄詩四章

見令三仕冉

敬軒

韋叔久不作此君何復爾往歲還鄉園

年年有哀誄今日東國間搖落正相似人生重相見與  
君勿輕視此意誰能知吾黨二三子

### 題霖雨圖

巖壑層層雲不開癡龍樹底役風雷有人逕倚高樓笑  
又向山前雨一圓

### 夢翁丹巖

辛酉

昨日翁夫子夢中爲我舞氣作經天虹勢如出林虎妖  
魅及鬼怪伏首栗雙股夫子萬人敵大武本不武手中  
雌雄劍裴旻豈足數仰視天月黑憑陵雜風雨不知從  
何來祇覺快肺腑舞罷升初筵呼奴進宿酤一時晨風  
吹夢斷樵樓鼓斗室眠一牀誰與作客主昔我過漢江  
羣盜立如堵自愧文弱人無由膏利斧平生慕游俠驚  
猛未一覩誰知大鵬雛羞與衆鳥伍恩仇畧瑣細憂樂  
共海宇愛書輕張良杖策鄙鄧禹俯首下僚中塵俗日  
蠶午一別經五年離索守蓬戶倏忽過蓬萊高閣臨南

蒲杯勺傾瓊漿須眉映玉塵男兒何昂昂丈夫自侯侯  
靈蜃慚成樓大魚懼質弩半醉忽長嘯非喜亦非怒幸  
生天地間功名貴自樹逆賊如蝟毛未遑建旗鼓髀肉  
看漸生頭腦夢誰監我材自無用亦欲小小補感此雷  
電言一時振聾聵君今在何地夢中得暫聚明當借白  
衛相訪解墨組

懷二孫子

河水有餘潤登麥如崇坻春揉積玉色飽食相遊嬉宰  
官困窮甚亦覺忘朝飢衙齋睡初罷忽憶高臥時清風



不假扇灑然吾自知有孫字仙保教誦陶潛詩時復叅  
妙語如鼎解人頤佛保幼孫字神清頗不癡昔年長在  
抱今日能行持我方在萬里賦歸無歸期不逢令節至  
且自長相思今午解菰黍手挽纏色絲定然念我老白  
盡領上髭家遠不易到人老不易醫肯爲圭組悞日色  
迫崦嵫

雨後

庭前積水作方池便是鄉園六月時可惜無人娛老子  
能將竹馬雨中馳

夜雨如注至曉不休

歡呼旱歲雨嘉禾得長養入夜不肯休時作澗底響庭  
階旣汪洋市廛復沆漭行潦雖無源心神亦愒惘曾與  
鄰君約清晨欲西往車馬將安施毋乃泛雙漿彈丸非  
大壑尙愁壞膏壤萬里黃河流恐有蛟鱷上西南方用  
兵億萬糜國帑可堪東北間田廬又震盪天地圉氣數  
風雷不在掌巫祝寧有功龍蛇敢受享爲霖不爲霖我  
輩徒奢想恒燠終宵熱雨際俱偃仰兩俱不成寐所愧  
爲邑長不如還故鄉披簑撒魚網

憶牡丹芍藥

蠟淚成誰卜夜歡如山酒肉未爲難  
車輪不值春三月  
初日輕烟看牡丹

芍藥開殘半夏生  
鷓鴣飛向日邊鳴  
南人久客忘歸去  
誰折花枝贈遠行

聞黃河安流志喜

黃河兩岸屹如山  
渡口迴颿落日閒  
十里沙灘楊柳綠  
行人携得鯉魚還

留鐵人

石樓遙在濁河隈  
讀畫樓中日幾回  
多病幸容君不死  
相思正遇我重來  
輶車道遠愁霖雨  
陋室更深廢酒杯  
忍向南華賦歸去  
秋風獨對菊花開

題漁洋秋林讀書圖

少年才子老儒臣  
玉佩瓊琚近紫宸  
識是蕭齋紅葉下  
秋山影裏讀書人

論詩妙在酸醎外  
作畫難傳阿堵間  
最好文郎解神韻  
疎林落葉寫秋山

聞白學海訃

辛酉

讀罷羣詩與冉文曰楊衰草對斜牕南華故舊今餘幾  
涼月蒼烟又哭君

月夜

風雨相驚倍徃憂如斯明月且登樓雖無好事能娛客  
尙有良朋不負秋落落大星皆北向滔滔野水自西流  
誰家倚笛青霄外觸起鄉心歎白頭

得正月九日家書

遲遲兒輩一封書遠慰愁人語恐虛驛路烽烟銷欲盡  
山房木石記多疎全家飽煖豐年後萬里平安好夢餘

細向纖題看月日茶花開遍北山初

中秋夜

快哉今夕一輪月如讀離騷歎清絕兩日雲物翳大空  
愁人無語久嗚咽誰知造物情更多不教佳節虛經過  
萬里晴霄淨澄滓秋光月色相盪磨似較前年一倍好  
呼作玉盤見何小梧桐樹底高樓邊有酒無酒都醉倒  
誰人城上吹短簫離情別恨添秋潮此心忽渡浣江水  
明月相隨過石橋樂去悲來無終始有淚淫淫瀉鉛水  
願得明月無盈虧長如中秋照鏡底

夜長

夜長清夢短涼月到床頭於世非通隱茲生作遠遊饑寒同望歲天地亦悲秋鴻雁飛何所哀鳴杜若洲

蓬萊湯耕夫贈龜磯石硯賦詩

自我辭蓬萊不見海中島今見海中石烟雲想漁叅耕夫古高士得之不自寶磨礪始離璞雕琢未傷巧成此四硯材貽余以爲好雪浪高於山星辰影皆倒耕夫自鑄其上曰雪浪金星當其懷重淵蛇龍夜所抱采之如采珠風雷橫相媚端溪氣力薄漳河瓦礫少金王安可珍吾將石田

老袖中有東海髯蘇何足道

分一硯贈希尹 上有梅花影

馳基島石不易得波浪驚飛水深黑  
泗人汨沒忘死生  
持出沙頭面土色研材成自湯耕夫遠將東海重踟躕  
君有詩篇似織錦我臨案牘祇施朱  
願分佳者度漆几  
看爾烟雲起繭紙梅花一樹香不殊  
影照清雪後水  
去年携酒登蓬萊鏡光萬里風帆開  
當時眼見此絕島  
不曾羽客同去來於今長憶倚闌日  
靈蜃蟄伏老蛟室  
無文往禱神龍宮  
敗研依稀掃秃筆  
君家意氣真人豪



釣竿一牓連六鰲龍尾紅絲共寶蓄續成海賦張吾曹

和希尹老馬

將軍戰騎日千里壯歲馳驅不少止龍文本自西極來  
與人一心共生死轅門旗掣風雲開兩軍勢薄山岳摧  
萬馬羣中獨先出紛飛礮石聲如雷於今老矣百無用  
落日秋風不施鞚垂韁自欲躊躇王恩伏慙猶爲赴敵夢  
將軍昨日還沙場漢家異姓封侯王走狗飛鷹有光耀  
銀鞍玉勒空悲傷駿骨千金未減價天廐飛龍此其亞  
窮途縱使憐見收不似昭陵風雨夜耿生才氣雄萬夫

曾連飛兔東海隅年少何心賦老馬將毋芻秣羞庸鰲  
萬物同歸一瞬滅金甲銷沈鐵戟折慷慨悲歌阿瞞詩  
處仲唾壺立可缺爲語大宛名駒兒騰驍莫苦相詆譏  
如遇曹韓好畫手千秋百世人猶知

短榻

短榻愁長夜孤眠憶故山此時風雨後高臥草廬間歲  
稔鷄豚賤家貧婦子閒客來多舊好華戶不須關

夢兩孫子賦寄

遠客思故鄉況今歲暮日山川易間隔夢歸舊家室仲

孫能讀書已及三四帙幼孫解嬉笑時時弄兄筆見我  
歡相迎牽衣繞我膝中庭有梅樹種之年六七笑指花  
半開寒香四座溢我如常在家雲山未曾出不喜亦不  
愠第知相親暱雨雪衾枕寒夢回此景失所愧爲人祖  
衡品得末秩成立望諸孫顯揚或可必千里始跬步名  
駒終奔軼自古賢材人蒙養盡有術今我遊不歸誰與  
辦華實作詩寄吾孫易象占元吉

望長白山

不到名山十載餘烟光樹色久相疎山僧尙說當年事

破帽秋風懶下驢

同何懋齋明府遊法慶寺

城市奔馳不少止三日新婦羞老子醉中携手尋勝遊  
出城卽是佳山水緇塵盡處禪關深蒼松翠栢森成林  
寺僧與我不相識便欲把臂傾素心談空說有亦何益  
繪句絺章苦難索終將一事惱遠公不爲淵明舉大白  
我今猶從車馬來門前獅象相疑猜他日盤輿赴舊約  
春風沈醉名花開

古槐歌

嗚呼松園矮松今已無乃見古槐范公高臺隅矮松不  
知誰所植此槐公之手種言非誣公乘雲去幾百載蟲  
蝕苔封根株在腹空不使魑魅藏節勁那因雪霜改天  
教神物爲護持牛羊未敢相創夷習習和風杲杲日想  
見當年政餘撫摩時向使我公不爲賢太守一樹何能  
愛惜如此久人生遇合固有期草木遭逢亦非偶君不  
見孔明廟前有古柏巫峽雲連江濤白少陵入蜀一賦  
之萬古突兀二千尺岱何高高海何深此槐與之閱古  
今青州幾人爲爾賦丹書石刻留牆陰如何前年彼太

守睥睨斧柯日在手

遊雲門山

知是仙人窟宅尊盤空石磴隱松根鞭停谷口疑無路  
杖拄峰頭尙有門九點祇今歸一覽羣山誰與作諸昆  
倦遊縱使歸來早衣上春雲已著痕

和耿希尹買驢詩

有錢不買駿馬骨有足不登紫金闕長途慘澹官柳稀  
歸心已逐蹇驢發垂鞭縱轡行遲遲珠鞵玉勒全不宜  
自戴笠簞被裋褐秋風背上閒吟詩黃葉林邊下白日

騷耳成羣盡奔軼東塗西抹新郎君忽漫相逢恐阿叱  
君何不惜傾空囊市人當日笑疎狂我欲爲尋好畫手  
貌成屏幃懸中堂

過衡王故宮

衡王宮殿草萋萋遍訪殘碑日已西燕子不還春寂寞  
野花開到舊棠梨

同悔堂登馬驛門上

霸氣銷沈落照中山川今日已變齊風登臺不識爽鳩樂  
賜履終懷姜尚功秦岱遙連霄漢外蓬萊直接海雲東

自慚俗吏仙才遠看爾題詩一代雄

耿希尹至次日方知

今春真大隱落日卽高眠吏散知何處君來竟不前相  
思多一夢獨寤少羣賢破涕翻成笑長歌伐木篇

春眠

名山勝友未全疎俗態塵容漸欲除臥聽鐘聲春雨外  
醒聞花氣曉烟餘癡情憶夢每遲起好句入詩旋疾書  
似此閒官殊不惡何由食客歎無魚

出遊



花壓闌干水滿池春風吹遍綠楊絲  
流鶯啼倦無人聽飛向深深別樹枝

郇蒲瑞邀飲牡丹花下

起趁城頭上弦月月色隨人過城闕  
馬蹄到處春風驕未見花闌神飛越  
今年老態真自殊人家僧舍皆可娛  
不問竹邊與水際入門先問花有無  
郇君招我知此意高館移廚共游戲  
風雨不來花正開頗喜今朝未遲至  
恨我不如李青蓮清平醉寫烏絲箋  
沈香亭北妃子笑新聲博得君王憐  
與君且盡花間酒青州從事豈復有

酒醒莫作驚人詩近日絃索無好手

將謁福芷泉司馬先寄以詩

三月洛花好顏色不識青州何由得我過城西又城東  
欲往城南忽城北錢歐有譜全不知花枝瞥見便吟詩  
此如逢人既絕代未通姓氏先情移司馬高才世未有  
下吏望之盡頽首我貪花事君貪吟只此不廉差堪友  
相從願到元戎家索看第一姚黃花好翻清平舊樂府  
爲君譜入新琵琶

哈怡門家看牡丹

壬戌

雖無姚黃有魏紫青州花事觀止矣落日如坐江上亭  
一堆紅霞扶不起此生曾作曹南遊時時醉臥花間樓  
七十二品未全見肩輿到處餘風流今年早擬解官去  
重問當年舊吟處誰知造物情更多別與閒曹領佳趣  
自分白髮慙紅顏尙能一賦春風閒赤幘橫簪亦大雅  
朱衣前引殊蕭閒何不金龜換美酒家世解醒可五斗  
蠻箋一幅空携歸夜夢花香入戶牖

時向怡園索紙

題張秋池畫

一瓢一笠去看山似六朝僧分外閑醉後題詩還自笑

原來到汝畫圖間

和王子文勸蔣斗南

名士無端去作僧  
遙遙彼岸許同登  
靈山會上如相問  
醉後逃禪我亦能

羨君飛錫看山時  
白鹿青龍不用騎  
只恐生天成佛後  
又將綺語入新詩

紀事

青州城東二十五里黃家樓東田間有任君謨書金上將軍碑斷仆久矣懼其日就殘缺

也典云買車移置學宮有沮之者云是將軍裔孫也乃止作詩紀之

遼東赫奔上將軍  
寇宋拒韓曾策勲  
昨日清明好時節

紙灰不見到荒墳

石人石馬淚潸潸  
書到任詢不可攀  
我鬻衣裳無用處  
牛車空去復空還

遊廣福寺

前賢讀書處老屋此猶存  
地僻羣僧散山空一佛尊  
酣歌題寺壁倦臥倚松根  
時有天風至海濤疑到門

別張悔堂

愛此佳山水從君日出遊  
花開及芍藥我亦有離憂  
酒熟還相勸詩成卒不酬  
今朝解官印騎馬出青州

悔堂學博率雨亭秋池蒲瑞蘇門又沂餞鍾家井  
昔曾歌折柳今又唱陽關豈有窮官去而爲遠道攀交  
原殊醴酒遊亦愛名山臨賀殷勤處多情讓此間

孟氏園中掌栢歌

吾聞東海之龍一生十九子中有五龍負氣潛逃出海  
水海若震怒驅鬼神上天入地求不止不知乃在鬢堂  
山北四十里長夜漫漫伏泥底一龍一珠各抱之電索  
雷搜逞厥技五尾蜿蜒如一身奮鬣張爪力相抵千年  
遺蛻此樹枝有若巨靈豎其指嵩華恒衡岱可擬中枝

正如伯兄行左之右之列雁齒其旁繁衍十數枝亦似  
龍子又生子至今夜夜風雨來疑有海濤平地起遊人  
過者爭探珠鱗甲中物得亦喜項下炯炯明月光乃以  
批糠瓦礫視嗚呼世有葉公無劉累天下真龍怖欲死  
何怪荒園闖人多冠蓋紛紛笑螻蟻

廬墓吟

博山錢君理齋母孫氏歿廬墓三年明府汪君屬余賦之

博山賢宰汪使君瓣香敬爲周孔焚其縣錢氏有孝子  
母亡乃以廬墓間使君過我屬我賦爲道柳枿前頭樹  
手攀淚滴枝葉枯慘慘愁雲無處所嗚呼孝子絕世無

晝夜孺子泣不殊近墓行人不忍過白兔撲朔烏畢逋  
馬鬣封前五鼎列無寧菽水祝硬咽惜哉絕裾溫太真  
只灑勤王一腔血君不見年年三月春風歸春草有心  
報春暉

聞董香草訃

正月十九日  
補遺

有詩千首天地間斯人骨可埋名山我獨寢門痛不已  
誰能稽呂相攀援爾章如龍姿如鳳汝才天馬未易控  
鵲華明湖秋色深五載不曾一入夢去年聞道河南行  
車音尙欲過荒城白飯青芻我自足燈花鵲噪占陰晴



人世百年本如寄山水文章暫游戲玉樓記罷人安歸  
門外春風燕子至

輓胥參將

泗起歷城人

將軍義不死牖下破產千金買駿馬身經百戰無完膚  
血色殷紅上韉袴我朝天子亶聰明外夷重譯

朝玉京蜀楚烝民咫尺地誰其脅誘勞南征將軍震怒  
目眦裂自出凶門志已決目旗耳鼓聽指揮功狗功人  
有成說虛孤旺相誰曾知爭關奪隘由人爲霧渡河邊  
命如草飛烟縱火殲王師敢惜孤身奮力戰頭中礮石

身中箭小臣一死真無能不怨大軍不救援平生士卒  
甘苦同長期一體成奇功輿屍難將馬草裹百人負出  
重圍中是時天地色慘澹千里陰雲白日暗盡道將軍  
直如歸爲國捐軀復何憾昨聞返骨迎仙橋白旄丹旗  
爭相招我向生前識半面喜君不共金石消更聞疆場  
多男子五十四人同日死惜哉未盡知姓名止記福山  
一國士

輓王總兵

懋賞福山人

嗚呼賊勢何猖狂妖雲掩日天蒼茫時出奇兵善制勝

軍前殺畧難相當山東猛士有王郎氣如彪虎驅羸牟  
宜有英風落賊膽何期遇伏身先亡將軍年少魁多士  
軍中喜見晉龍驤凱歌未奏挽歌起白虹萬丈經天長  
人生誰能無一死死勤王事庸何傷縱使此身寸寸磔  
屍骸未得歸粉鄉赤血磷磷膏野土化碧不待三年藏  
黑月忠魂自起舞一身獨率千國殤大將全師返故壘  
我軍士氣還自揚祇惜有言不中聽栢人悞入殊荒唐  
陰司望鄉地何惡按兵不動謀則臧誰彎羽箭殞天狼  
國家自此多福昌歸然血食祠荆襄千秋姓氏猶餘芳

續作此歌上國史願附驥尾名有光

題宋步武近詩稿

新詩如夜月一見一陶然此客主張賈是時兼佛仙拜  
官能處後得句直爭先何地乘軒者望門尙欲前

送仍表赴曹南

聚首爭論易離羣別恨多行轅不相挽進酒更悲歌前  
路有佳勝重遊無坎坷許程秋未立已及賦黃河

自嘲

我豈能書世亦求殘縑敗素滿高樓張芝老去原無聖

米芾豪時只慣偷未住綠天曾種紙欲濡白髮不盈頭  
炎炎長日真堪笑墨汁淋漓和汗流

題畫白牡丹

牡丹號花王濃豔固無比何爲入畫今見之有如白月  
臨秋水豈是曠代之逸才不著一字得妙理固知千古  
爭寵人變態無端不可擬君不見虢國夫人顏色多淡  
掃娥眉入宮裏

記得山中好十首

記得山中好常如八月秋嵐光沈小閣樹影動高樓夜

氣涼侵簾朝烟薄試裘如何不歸去濯足問清流  
記得山中好門無俗客來歌風聲任戶吸月酒盈杯鄰  
叟持竿去山妻抱甕回時時有童稚爲報好花開  
記得山中好藏書及一車中多疏草木半是賦烟霞綠  
字文難曉丹經註或差不聞豪猾吏案牘敢橫斜  
記得山中好花開無四時但嫌風信悞不惜冶遊遲二  
月新桃葉千山老桂枝遠鄉披月令錯註幾人詩  
記得山中好名泉固自奇虎邱難與並鴻漸究何知處  
處珠如貫村村玉一池更餘清興在賜浴笑當時

記得山中好園蔬供晚餐瓜如羊腴爛茄似豹胎團母  
愛菰菰足孫知藜藿安何曾守錢虜下筭只愁難

記得山中好起居能自由穩眠高日上倦坐白雲流飛  
鳥常辭足我冠不壓頭還多傲人處冬夏一羊裘

記得山中好難通馴馬車春秋祇曳杖出入偶騎驢佳  
客遠求畫舊家多借書無風無雨日亦可狎樵漁

記得山中好無人自默然醉中間說鬼夢後或譚天倚  
樹聞幽鳥因風聽細泉有時逢老衲文字亦參禪

記得山中好四鄰無訟凶小牕喧送杵古寺靜聞鐘犬

臥初生月鴉棲舊種松前山如赴約草履上雲峰

鳳石歌

是石不可煮爲糧是鳳不可策爲騎廿年僦屋恒於斯  
舉世誰人識此意人言李平泉一石不與毋乃慳又言  
宋米芾見石下拜何其顛我生後二子視同逆旅心悠  
然爭席聽舍者種竹遜曩賢況此嵯峨數尺石安能卷  
之如一拳喜爾嘉名克肖爾中庭毛羽看新鮮繒繳險  
微何足慮不儀不鳴千萬年焉知爾來非丹穴曾巢古  
昔阿閣前一朝化此辭雕鐫其心則虛其體堅忘饑相



對如雲烟願圖爾形抗五岳上元巾卷見犖磳願煉爾  
質補青天青天遙遙匪一握

中秋夜汎舟遊大明湖飲滄浪亭

中秋不相負一舫復來過湖濶消烟淨亭空受月多悲  
歡餘白首聚散付清歌尙欲期明夜覩光常盪磨

自橋上歸

鬱鬱重霄霧盡開秋砧聽罷雁聲哀遍身明月涼如水  
人自鵲華橋上來

求紀曉泉作畫

昨夜清尊共一舟今朝讀書侶  
重游請君更寫橋頭月  
雁影蛩聲到酒樓

邀譚春園趙重閑菊花下飲酒

堂前鼓吏莫頻搗今日開尊懶放衙  
令不能仙空白首  
客原甚淡似黃花  
蕭蕭荒逕宜疎雨  
寂寂虛齋對晚霞  
却笑重陽心緒薄  
秋風獨自聽啼鴉

對菊

鄉心一萬里落葉下高樓  
獨對黃花酒新添白髮愁  
寄書全不到解組苦相留  
誰與家園問未荒三迳不

對菊

昨夜空庭月上時  
牆邊照見影離離  
朝來攬鏡西窓下  
瘦似黃花人不知

歲暮新城諸故人歸將盡矣愴然有作卽以贈別  
諸君皆有母此去樂融融孝婦河邊草魯連陂上風  
來非千里別歸是一心同南極雲深處低徊只夢中

日日

日日賦歸去竟從何日歸  
逢人遠行路願予舊征衣  
醉後或能忘夢中偏覺稀  
不知誰致此倚檻視斜暉

續賦雪

物類幾千萬少能如爾清人將忌孤潔功又被蒼生想  
到空山裏始無羣吠聲所期知白者守黑不營營

夜吟

漸與春風近翻嫌雪夜寒誰能不將母民只是留官縮  
地仙無術歸家病亦歡公卿稱下士汲引到劉寬  
致身明聖代尺寸竟無功官與饑寒近人將走卒同若  
非能去日盡在可羞中通藉多年少私心議老翁

淞

才吟雪柱與冰車又見霧淞虛映紗遠客不知愁甲樹  
笑看處處是梨花

歲莫

歲莫遠遊子衰年強自歡慈闈當此際愁思更無端祀  
竊嫌聽鏡宜春兒易冠早知歌耆苦門外北風寒

寄山中諸故人

此別又三載一生還幾回出門如昨日入夢有餘哀臘  
鼓誰同聽春花自早開南人時得見不見寄書來

送韋映輝歸

君又賦歸去此間餘幾人  
垂簾半虛館懸榻易生塵  
有恨同辭歲何心獨頌春  
上元燈火夜速與返車輪

寄耿希尹

如君方賀歲寧暇卽相思  
不柰多愁者偏當屬句時  
樹雲懷李白山水憶鍾期  
此意同千古悠悠世豈知

次日再柬雪樵

破屋相畱處爐中火氣溫  
雖然在官舍只似住山村  
殘雪明於晝寒雲擁到門  
深宵知不寐得句吐還吞

曉坐

四野有歡聲晨風送入城官貧同此樂家遠獨多情歲  
逐桃符換春隨栢酒生昨宵聽爆竹伏枅數寒更

和雪樵懷子文希尹

詩人後千載望古尙餘悲況與同時者何能不見之秋  
風對牀處殘雪獨吟時一片城頭月驚鴉繞樹枝

和雪樵聞笛

誰家夜吹笛聲入遠人心月墮疎鐘斷城寒積雪深青  
山千里隔白髮一宵侵可似悲秋日搗衣聽暮碪

早韭

荒園草木未知春，轉綠迴黃韭葉新。  
剪處無妨留雪印，市來正好膾霜鱗。  
刀縷切長宜寸釐，白紛揉細受辛。  
更益晚菘同一飽，人生不厭是清貧。

鐵人至

遠來偕守歲，瘦過去年時。  
遙想友朋送，定教妻子疑。  
荒村同宿少，殘雪獨行遲。  
却使余愁減，狂吟有客詩。

除夕

遙遙萬里未歸人，幾品頭銜繫一身。  
明日紀年爲癸亥，此間守夜似庚申。  
亦知臘盡寒將退，共識更殘歲易新。



最是萬難消遣處南邊雲下有慈親